

青松沈氏世稿選序

我先祖閭門祇侯公諱淵以文章德業大鳴於麗朝
爲詞苑宗匠至我朝後孫綿綿奎文之運日隆館閣
之英不絕詩文尤膾炙五百有餘年間世稱青松沈氏
耆良以是也然其詩什或入于自家譜乘之末或載于
他人編輯之中不得其全爲其後孫者孰不憾恨哉我
曾有意於裒離而尙今未遑者非敢緩也世代緬邈後
屬疎遠溯求徬搜頗不容易故也廼者所得拔其最總
若干編於是序其行編其文合爲一秩曰青松沈氏世
稿選 祖先詩文雖不多載備則備矣而以後孫之遠

侍之如一日矣付于剗剗藏之家而傳之世壽之千百
載而不朽則豈非吾門之幸歟惟我子孫及宗族連世
續稿以成巨秩以爲詩家品彙是所區區之望歲之丁
巳重陽日祇侯公二十代孫啓澤拜手謹書

青松沈氏世稿選跋

詩莫盛於晉唐若陶若柳又從其門庭來者皆是不惟
中州之人爭慕效之我東之粉白童子亦相咏誦其編
輯而成帙者不啻汗牛充棟然或一人所著至百編或
集百家之絕唱爲一編東儒詩集及箕雅亦類是若貫
一姓合一族拔其尤吟鋟梓壽世者獨於是編見之我
沈貫青松自麗繁榮八本朝尤著勲勞節義道學文
章相繼不絕於國寔爲楨幹是以所傳詩律無非意在
言表多向
上之句非有若風月汗漫語也使後承讀
此襲先祖之遺韻則孝悌之心油然而起使他人見

之得詞藻之正路則風化之美蔚然可觀凡此編隨世
隨見上下添刊故不能不多於舊輯而惟吾十三代祖
已卯名賢 修撰公諱達源文集十二卷佚于兵燹無

一首編八安得無遺憾哉姑俟後來者之博攷丁巳季
冬前成均館博士璿澤再拜謹跋